

## Enn Kwing misst merr hawwe

Weil merr omm Sunndaach omm Stommdisch iwwers Wähle vom Flerschemer Beiemooster geschwätzt hadde, hott misch omm Mondaach de erst de Karl unn e bissi später de Schorsch oogerufe unn mir hawwe uns iwwer dess Ergebnis von dere Wahl unnerhalle unn dass merr in verrzeh Daach nochemol wähle gieh misse. Unn weils su gewese iss, dass jeder von uns drei enn onnern Kandidat wähle wollt unn ess aach gonz sicher gemacht hott, warn merr uns doodriwwer oonisch, dass der, der de Heß gewählt hott, sisch jetzt enn onnern Favorit suche muss. Oonisch warn merr uns außerdem, dass der aach wähle gieht, also dasser nitt oofach seet, isch kann misch nitt entscheide, also bleib isch dehoom, seht ihr onnern zu wer Beiemooster werdd, naa, gewählt werdd unn wenn aach die Zäh knirsche due.

Mettem Schorsch habb ich misch omm Telefon donn doch e bissi länger unnerhalle, weil de Schorsch gemoont hott, die gonz Wählerei wär joo monchmol e gonz schee Quälerei, weil dess Schlimmsde wär joo nitt dess Hiegieh in su e Wahllokal unn dort soi Kreizje mache, naa, dess kennt merr joo aach iwwergeh, indem merr Briefwahl mache det. Naa, hotter gemoont, dess Entscheide, ferr wen dess Kreiz gemacht werdd, dess wär die Arwett, unn doo wärs doch schee, wenn merr wenischdens ab unn zu doodruff verzichte kennt.

Wie moonsden dess, Schorsch, habb ich enn gefroocht.

De Schorsch hott ze Antwort gewwe: Guck emol eniwwer nooch England, doo hott die Kwien jetz schunn sechzisch Johr ihr Kron uff unn koom oone doo driwwer in London unn drumerum dets oifalle, e onner Kwien ze wähle.

No ja, saach isch, dess doo driwwer iss halt e bissi onnersder, die Kerle aus de Bolidik werrn dort aach gewählt, wenn dere ihr Zeit erum iss, su nooch vier odder fünf Johr.

De Schorsch hott gesaat: Guck emol die Sach mett unserne Bundespräsident. Isch waaß, die werrn nitt von uns gewählt, awwer alle paar Johr unn monchmol aach noch dezwise hawwe merr enn onnern. Merr derrf joo aach nitt vergesse, dass sisch immer widder enn Haufe Leit onn e nei Gesicht gewehne misse, aach im Auslond. Unn was uns die Exe von dene kosde, mett Audo unn Büro unn Fahrer unn was waaß isch nitt sunnst, was die uns kosde. Naa, dess muss nitt soi.

Unn, frooch iss, was moonsde?

De Schorsch seet: Mindesdens dem Bundespräsident kennt merr nooch soiner Wahl e Kron uffsetze unn die emm erst abnemme, wenner gestorwe iss.

E Kron, saach isch unn lach, awwer Schorsch!

Der war hartnäckisch: Ei guck doch, wenn in Fronkfort was los iss. Wie die Roth sisch dann mettere mords Kett behänge dut, merr kennt moone, merr wär beim Almabtrieb. Also kennt aach enn Präsident e Kron uffsetze.

Isch habb noch mehr ins Telefon gelacht unn de Schorsch gefroocht: Dann missde merr aach dem Präsident enn neie Nome gewwe. Solle merr den donn King nenne? Unn wrens e Fraa wär, donn Kwien?

Sät de Schorsch: Weder noch, weil isch moon, ess wär besser, mir hädde enn Kwing.

Isch frooch: Was issen dess, enn Kwing?

Gibt de Schorsch ze Antwort: Waaßde, es gibt in Deitschlond unn in de Welt immer mehr von dene, die nitt Herrsche unn nitt Fraasche sinn, unn wenn merr ooner von dene hädde, dann wärs halt koo Kwien unn aach koon King, dess wär dann enn Kwing.

Eiern Honnes.